

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Sertum Rutaceum Domûs Saxonicae Insigne

**Starck, Christoph Heinrich
Rechenberg, Adam**

Lipsiae, 1664

VD17 VD17 12:144264V

Lemniscus IV

[urn:nbn:de:bsz:31-131177](https://nbn-resolving.org/urn:nbn:de:bsz:31-131177)

Quod manet Imperii Germania laudibus auſta :
Virtuti magni debet id omne Ducis.
Vandalus expertus præſtantis robora dextra :
Agnovit Dominum quem coluitque ſuum.
Auratis Enſis trabibus rutæque corolla
Ornat & Imperii deligit arma ſui.
Imperat octonis quater actis integer annis ;
Imperii ſedes Urbs Witteberga ſuit.

LEMNISCUS IV.

Sertum Rutaceum in Comitibus Herbipolen-
 ſibus Anno cło CLXXX, primum in Clypeo Sa-
 xonico floruit,

I.

Fasciola.

§. 1. Herbipolis Friderico I. chara. Alibi, jam hic Co-
mitia cœgit. §. 2. Ubi haberi poſſint Comititia. Quæ mate-
ria Comitiorum per ſe, per accidens in Comitibus hoc inſigno
collatum. Quando. Ejus deſcriptio Poëtica Taubmanni.

II.

Floſculi.

- Herbipolin Orientalis Franciæ, quæ hodiè eſt Franconiã,
 §. I. Metropolin, Episcopatu & Academia illuſtrem, Friderico Barba-
 roſſæ Imperatori præ aliis in oculis fuiſſe, ex Annalibus abundè
 conſtat. In ea enim non ſolum Nuptias cum Beatrice unica
 Reginaldi tunc Comitibus Veſontionis in Burgundia filia cło CLVI.
 celebravit ſolemniffimè. *H. Henninges d. l. Tom. II. part. I. p. 45.*
 fed & complures imperii Conventus inibi cœgit, oppidò memo-
 rables. Hac ipſa Herbipolis eſt, in qua cło CLVII. tam magno
 animo ambitioni Pontificis reſtitit : cum namque iſte in Germa-
 niam Legatos miſiſſet, & hi in ſermone ſuo oſtendiſſent, Impera-
 torem à Pontifice per coronam accepiffè Imperialem authori-
 tatem tanquam beneficium, negavit id Imperator, & cum Princi-
 pibus hic Wurzeburgi deliberatione habitã, mox juſſit Legatos
 Germa-

Germaniā excedere, non se à Pontifice Imperii habenas, sed à Deo
per legitimam Electionem Principum & Ordinum Imperii acce-
pisse confirmans. *M. Dresserus ex Radevico Trifigensi 7. H. Mill. VI. part.*
I. p. 359. seqq. Hæc urbs est ubi eodem anno in publica Panegyri
Fridericum Svevum Conradi-Imperatoris antecessoris filium,
in-spectantibus Legatis Græcis in Equitum auratorum ordinem
cooptavit. *Idem Lib. de Urbibus p. 323.* Hæc civitas est, in quā
c. CLVI. decretum fecit, in solenni conventu Imperiali, ut dein-
de nullus Pontifex reciperetur, nisi sciente & consentiente Roma-
norum Imperatore aut Rege esset electus: *Idem Millen. VI. p. I.*
p. 359. seqq. Et quæ istiusmodi Comititia augusta fuere alia, quibus
Fridericus Imperator hanc suam Herbipolin reddere voluit illu-
striorem, Quæ inter meritò & hæc recensemus, ubi se tam mun-
nem præstitit in elargiendis Ducatibus Insignibusque exornandis.
Equidem hanc Insignium exornationem seu autionem ad materiam Comitiorum tunc pertinuisse vel adhuc pertinere non
sanè dicimus. Illa quippe in causis vel ad conservandum vel ad
redintegrandum Imperium spectantibus occupantur. Nec Comi-
titia solùm ad Herbipolin alligata, possunt in omnibus illis, quæ
in Circulis Imperii continentur, locis haberi. *Ayumanus de Comi-
titis Imperii Romano-Germanici. Cap. 8. num. 6. p. 592.* Undè etiam
variarum Urbes à variis Imperatoribus Comititiis destinatae sunt, ut-
potè à Carolo M. Moguntia, à Carolo IV. Francofurtum & No-
rimberga. Per accidens tamen evenisse quod horum ipsorum
Comitiorum tempore hæc herbula Ruta in hæc ipsa Herbipoli, non
sine omine, effloruerit, quis amabo ibit inficias? Et quanquam
non in sessione Publica Ea Bernhardo donata, sed duntaxat priva-
tum & quidem quod observat *M. Cyriacus Spangenberg im Adel-
Spiegel/ part. II. lib. 12. c. 31. p. 313.* post prandium (nach gehaltener
Mahlzeit) nihil tamen obest, cum Sertum hoc etiam solummodo
collati Saxoniarum Ducatus fuerit q. Corollarium seu Epiphyllis.
De loco ubi ejusmodi Insignia conferenda, peculiare Caput quod
est XLIII. hic ipse Spangenberg/ quod vide sis. Ceterum ut
multum quoque in momenta temporis inquiramus, supervaca-
neum duco. Annus fuit duodecimi à Nato Christo Seculi LXXX,
qui quibus & aliis inclaruerit αὐτομνημονεύσις, facti consulendi
sunt.

sunt, cum primis Chronologia Francii, Buntingi, Calvisii. Item Spangenberg/etiam singulare Caput nimirum XLII. de Tempore hocce, consignavit, quod etiam sis vide. Ultramque Serti hujus collati circumstantiam more suo, h. e. tersè contexit Taubmannus ad Christianum II. Ducem & Electorem Saxonia Lib. I. Epicorum Carm. I. p. 225. Sertum, inquit,

— — — quod Francis (in Urbe)

Quam flumen lambit Mœnum, cui nomen ab herbis

Esse voluit patrii sermonis origine factum.

Et media Imperii tanquam præcordia) vidit

Quattuor à Seclis Fridericum à Casare Primum

Detractum Capiti vestris insignibus olim

Addere, quæ Chypei campum rutilantis ab auro

Nigra trarum series quino transversa meatu

Dividit.

LEMNISCUS V.

Sertum Rutaceum Bernhardo, Successoribusque eâ fini datum & usurpatum est, ut ipsius domus ab aliis discerneretur.

I.

Falciola.

§. 1. Insignium omnium finis generalis, & publicorum specialis. Hic iterum nobilitatem vel constituendam conficit vel constitutam perficit. Posterioris generis Ruta nostræ.

§. 2. Ea in posteris hereditaria, uti nobilitas ipsa, nec iniquè, contra Bodinum.

II.

Flosculi.

Insignium generalis hic finis est, ut unum ab altero diversum.

§. 1. esse signent; unde supra Lemnisco I. §. 2. nobis à signando dicta sunt. Ea verò quæ in specie publica & nobilia vocantur, præter distinctionem simul honorem publicum autoritate publicâ conferunt. Sed hæc iterum honorem vel constituendum conficiunt vel constitutum affici-